



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

3. Hodie dilectum &c. Ad Populum urbis & Dioecesis Genevensis, quâ
recipiendus Episcopus J.L. Sabaudus anno 1459.
-

[urn:nbn:de:hbz:466:1-74452](#)

ANNO
1459.

ratam habebimus & faciemus auctore Domino usque ad satisfactionem condignam inviolabili ter observari.

Datum Senis, anno Incarnationis Dominicæ millefimo quadringentesimo quinquagesimo nono, octavo Id. Februarii, Pontificatus nostri anno II. Crufiliati.

III.
Ex ibid.

Ad Populum Urbis & Dioecesis Genevensis, quâ recipiendus Episcopus I. L. Sabaudus: anno 1459.

PIUS EPISCOPUS.

Servus Servorum Dei, dilectis filiis Populo Civitatis & Dioecesis Gebennensis, salutem & Apostolicam Benedictionem.

Hodie dilectum filium Johannem Ludovicum de Sabaudia Electum Gebennensem Ecclesiæ Gebennensis tunc certo modo Pastoris solario destituta, de fratrum nostrorum consilio, in spiritualibus & temporalibus perpetuum dministratorem, donec & quoque vicecum tum sua ætatis annum attingeret, fecimus, constitutus & etiam deputavimus & ex tunc quamprimum dictum vicecum septimum annum attingeret, de dicti Johannii Ludovici persona eidem Gebennensi Ecclesiæ de eorundem fratrum consilio dicta auctoritate providimus, ipsumque illi praefecimus in Episcopum & Pastorem, curam, regimen & administrationem ejusdem Ecclesiæ sibi in Spiritualibus & temporalibus plenariè committendo, prout in nostris desuper confessis litteris plenius continetur. Quocirca universitatem vestram rogamus & hortamur attente per Apostolica scripta vobis mandantes quatinus eundem Electum tanquam Patrem & Pastorem animarum vestiarum grato admittentes honore, exhibeat in eisdem obedientiam & reverentiam debitas & devotas, ita quod ipse in vobis devotionis filios, & vos in eo per consequens Patrem invenisse benivolum gaudeatis.

Datum Senis anno Incarnationis Dominicæ, millefimo quadringentesimo quinquagesimo nono, octavo Id. Februarii, Pontificatus nostri anno secundo. Crufiliati.

IV.
Ex histor. univer. Parisen. Bulz: Tom. 5. pag. 649.

Littera Apostolica Pontificis pro tollenda pragmaticâ Sanctione, cum Responso Ludovici Francorum Regis: anno 1460.

PIUS EPISCOPUS,

Servus Servorum Dei, Charissimo in Christo filio Ludovico Regi Francie, salutem & Apostolicam Benedictionem.

Accepimus ex litteris Venerabilis Fratris nostri Joannis Episcopi Atrebantensis quanta cum charitate complexus sis, & quam pium erga nos, & Romanam Ecclesiam geras affectum, & quam ad tollendum è Regno tuo constitutum illam quæ Pragmatica dicta est, volenti & & erecto sis animo.

Laudamus Deum & suæ Majestati benedicimus, qui talem tibi mentem dedit: Nam quid aliud dicere possumus, nisi quod Dei beneficio ex maximis periculis liberatus es, & in hac tempora reservatus ut eses qui suscepisti Regno paterno sublatis erroribus liberarem S. Romanæ Ecclesiæ instaurares atque restituieres. & Majo rum tuorum æquatâ gloriâ Christiano nomini quietem fundares.

Benedictus Dominus qui tuæ personæ custos

fuit, & spiritum tuum erexit ut cogitares quæ pia & ornata laude digna sunt.

Sic Magnus Constantinus, sic duo Theodosii, sic Carolus Magnus & plures ex tuis progenitoribus immortale nomen & inextinguibilem consecuti sunt gloriam; quia Romanam Ecclesiam matrem suam debito sunt honore prosecuti, quorum te vestigis inhærentem & diligimus totis præcordiis & laudamus, & omnis te posteras laudabit & celebrabit.

Illud autem inter cætera commendamus, & quod absque Conventu & Consultatione multorum Pragmaticam auferri constituisti, quemadmodum idem Episcopus nobis significavit.

Sapis certè & Regem te magnum ostendis, qui non regaris, sed regas.

Optimus enim Princeps est qui per se recta cognoscit & operatur, qualem te esse confidimus.

Nec scriptura quæ ait, ubi multa confusa, ibi salus, multorum multitudinem requirit, sed consiliorum maturitatem & digestionem, qua res in paucis magis quam in multis reperiuntur.

Neque enim, aut honestas, aut justitia multitudini facile suadetur, qua variis fluctibus agitata, ad prona frequenter inclinat; confusione subita est consulentium multitudo, neque bene se res habet, ubi suffragia numerantur non ponderantur.

Sæpè enim sit ut major pars meliorem vincat.

Facis quæ te decent, qui sciens Pragmaticam esse absque Deo, tam de Regno tuo eliminare decrevisti; nec vis in disceptationem ducere a fieri debeant, quæ tu ipse facienda novisti.

Hoc est Regem esse, & bonum Regem, & quem boni ament, mali timeant: Nam qui per alios reguntur, nec per se intelligunt quæ sunt agenda, contenti sunt.

Probamus igitur & commendamus admodum quæ de tua deliberatione circa Pragmaticam Episcopus Arrebatensis scribit, horramurque ut quæ proposuisti in animo, cito affectu facias, neque cum possis hodie bene facere, cras faciam, dicas. Hilarem datorem diligit Deus; quæ justa & honesta sunt, nolunt moras.

Fac tuam sapientiam sicut nos cognoscimus, ita & mundus omnis quamprimum cognoscat, neque aliquis dicere possit, diu noluit, quia diu deliberavit.

Quod si Prelati tui & Universitas aliquid ex nobis desiderent, te mediatore ad nos recurrant.

Nam si quis unquam Pontifex fuit Gallicæ Nationi affectus, ut multi fuerunt, nos certè inter primos reperiemur, qui nomen & Gentem hujusmodi honoremus & diligamus, nec unquam postulatis honestis advertabimur, scimusque dignum esse ut Fratribus nostris Episcopis in multis deferamus, eosque honoremus pariterque viris doctis, & qui docti esse cupiunt, in universitatibus literarum studia sectantibus, subveniendum esse non ignoramus.

Ab his enim Catholica fides defenditur & doctrinæ lumen propagatur.

Age igitur, perfice, quod in animo geris, & confide nos tibi & Regno tuo animo concessuros, quæ ratio & honestas suadebit.

Cæterum quia Regina Cypri, ad nos ex Regno suo dejecta & ex terris profecta est, & ad tuam credimus Serenitatem proficeretur, consilium & auxilium petens, nam Regnum ejus Soldani Egyptii gente occuparum est.

Et quia sicut accepimus, Mahometes Turcorum Dominus Greopin & Trapescuntem & multas alias in Afra Civitates, ac Provincias de novo sibi subjecit, & in Europam viator ac tumultuens eo proposito revertitur, ut Christianitatem proterat & conculceret, Serenitatem tuam

rogamus

ANNO
1460.